

JA SO ÄHN GUUDE PALZWOI

VERS 1 MEIN VADDER HOT G'SAT,
UNN MOI MUDDER HOT G'SAT,
LIEWER BU, GEB MER ACHT MIT DEM WOI,
DER WOI GEHT INS BLUT
UNN DES ISS NET SO GUT,
JA DES KANN SOGAR GANZ GFERLICH SOI.
DOCH HEIT LIEWE LEIT, WEES ISCH LÄNGSCHT SCHUNN BESCHEID,
DASS DER WOI JO KÄM DEIWEL WAS MACHT.
EHR KINNER DRUM MÄHN ISCH, HEIT SIMMER UNS ÄHNISCH,
MIR TRINKEN DES WÄR DOCH GELACHT.

REFRAIN: JA SO ÄHN GUUDE PALZWOI,
DER GEHT ÄHM IN DE HALS NOI,
DER LAAFT ÄHM DURCH DIE DORSCHDISCH KEHL,
DO WERD MER FROH UNN KREIZFIDEL,
JA SO ÄHN GUUDE PALZWOI,
DER GEHT ÄHM IN DE HALS NOI,
DER LAAFT ÄHM DURCH DIE KEHL,
UNN BAUFDISCH DO IS MER FIDEL.

VERS 2 JETZT HEER MOL MEIN FREUND
WANN DIE SUNN MOL NET SCHEINT
DANN HAU AB NIX WIE RAUS AUS EM HAUS
NOCH EM ERSCHDE GLAS WOI
SINN DOI SORGE VORBEI
UNN DIE WELT SIEHT GLEI GANZ ANNERSCHT AUS.
DIE PALZ IS FAMOS – UNN DIE WOISTROSS IS GROSS
UNN MER SCHUNKELT IN JEDEM LOKAL.
UNN SIEHSCHT STATTS DE WOISTROSS
AM SCHLUSS AH NOCH WOI BLOSS
DESS IS BEI DOIM DORSCHT WORSCHTEGAL

REFRAIN: JA SO ÄHN GUUDE PALZWOI, . . .

VERS 3 UNN GEHT VUNN DE HAARDT,
OWENDS HÄHMWERTS DOI FAHRT,
HOSCHT AN LEIB UND AN SEEL DOIN PROFIT,
UNN DUHT DER DOI FRAA
AH NIX SCHÄNES GRAD SAA
JA DO NÄMSCHT SE HALT NÄCHTSE MOL MIT.
MIR PÄLZER SIN FREI,
UNN HÄNN KELLER VOLL WOI,
JA BEI UNS HOT NOCH JEDER WAS KRIEHT.
DRUMM KUMM IN DIE RHEIPALZ,
UNN TRINK VUNN DEM WOI ALS,
SEI FRÖHLICH UNN SING UNSER LIED.

REFRAIN: JA SO ÄHN GUUDE PALZWOI, . . .